



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-1647-12/18
Datum: 20.07.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 19.07.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za radove u predmetu nabavke "Izgradnja saobraćajnice Ciglana-Glinište i mosta na rijeci Radušici" po cijeni bez PDV-a u iznosu od 169.800,00KM (slovima:stotinušesdesetdevethiljadaosamstotina i 00/100 konvertibilnih maraka), odnosno sa PDV-om u iznosu od 198.666.00KM (slovima:stotinudevedesetosamhiljadašeststotinašesdesetšest i 00/100 konvertibilnih maraka) je ponuda ponuđača INŽINJERING I doo Tešanj.

II

Ponuda je dostavljena u otvorenom postupku, koji je objavljen na Portalu javnih nabavki dana 05.06.2018.godine pod brojem: 375-1-3-139-3-51/18, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Za realizaciju Odluke zadužuju se Služba za društvene djelatnosti i investicije općine Tešanj.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VI

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove "Izgradnja saobraćajnice Ciglana-Glinište i mosta na rijeci Radušici" pokrenut je Odlukom o pokretanju postupka broj:02-49-1-1647-2/18 od 05.06.2018.godine. Odabran je otvoreni postupak, koji je objavljen na Portalu javnih nabavki dana 05.06.2018.godine pod brojem: 375-1-3-139-3-51/18, procijenjena vrijednost javne nabavke je 128.200,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda INŽINJERING I doo Jelah, ponuda GEO PUT doo Maglaj, ponuda DOBOJPUTEVI DD Doboje Jug i ponuda AB TRANS doo Tešanj.

Komisija za javne nabavke imenovana rješenjem Općinskog Načelnika broj: 02-49-1-1647-4/18 od 03.07.2018.godine izvršila je dana 06.07.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su sve 4 (četiri) ponude formalno ispravno (sadržajno kompletne i ispravnog sadržaja), i da se kao takve mogu ocjenjivati u skladu sa zahtjevom za dostavu ponuda.

U svrhu dokazivanja da ispunjavaju uslove za primjenu preferencijalnog tretmana domaćeg svi ponuđači su u postupku dostavili dokumentaciju kojom dokazuju preferencijalni tretman domaćeg, te je nastavljen postupak u pravcu zakazivanja E-aukcije jer je tenderskom dokumentacijom i predviđena E-aukcija. Tačkom 1.5. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 12.07.2018.godine od 14:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 13.07.2018.godine (koji je u predmetu spisa) vidljivo je da ponuđač INŽINJERING I doo Jelah zauzima prvo mjesto na Konačnoj listi ponuđača koji su učestvovali u E-aukciji. Komisija je uz suglasnost Općinskog načelnika budući da je ponuđena cijena viša od procijenjene vrijednosti javne nabavke (akt od 18.07.2018.godine u predmetu spisa) izvršila rangiranje prihvatljivih ponuda prema kriteriju za izbor ponuda kako slijedi:

1. INŽINJERING I doo Jelah
2. DOBOJPUTEVI DD Doboj Jug
3. AB TRANS doo Tešanj
4. GEO PUT doo Maglaj


Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-1648-11/18 od 19.07.2018.godine), da se u predmetu javne nabavke radova "Izgradnja saobraćajnice Ciglana-Glinište i mosta na rijeci Radušici", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača INŽINJERING I doo Jelah, odnosno kako je to navedeno u tački I ove Odluke, te da se sa istim zaključi ugovor u skladu sa ponudom i postignutom cijenom na E-aukciji za radove predmetne nabavke. Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač INŽINJERING I doo Jelah za ponuđenu cijenu na E-aukciji održanoj dana 12.07.2018.godine od 169.800,00KM bez PDV-a (slovima:stotinušesdesetdevethiljadaosamstotina i 00/100 konvertibilnih maraka), odnosno sa PDV-om u iznosu od 198.666.00KM (slovima:stotinudevedesetosamhiljadašeststotinašesdesetšest i 00/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x4,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.



OPĆINSKI NAČELNIK

Mr.sci. Suad Huskić